



Uimhir 15 de 2021

An tAcht um Pá Seirbhíse Poiblí, 2021
[*An tiontú oifigiúil*]



Uimhir 15 de 2021

AN TACHT UM PÁ SEIRBHÍSE POIBLÍ, 2021

[*An tiontú oifigiúil*]

CLÁR AN ÁBHAIR

Alt

1. Míniú
2. Leasú ar alt 4 d'Acht 2009
3. Leasú ar alt 5 d'Acht 2009
4. Leasú ar alt 16A den Acht Airí agus Rúnaithe (Leasú), 2011
5. Gearrtheideal

NA HACHTANNA DÁ DTAGRAÍTEAR

An tAcht um Bearta Airgeadais Éigeandála ar Mhaithe le Leas an Phobail (Uimh. 2), 2009
(Uimh. 41)

An tAcht Airí agus Rúnaithe (Leasú), 2011 (Uimh. 10)



Uimhir 15 de 2021

AN TACHT UM PÁ SEIRBHÍSE POIBLÍ, 2021

[An tionsú oifigiúil]

Acht do dhéanamh socrú maidir le coigeartú ar na srianta, atá san Acht um Bearta Airgeadais Éigeandála ar Mhaithe le Leas an Phobail (Uimh. 2), 2009, ar an luach saothair is iníoctha le seirbhísigh phoiblí a mhéadú agus, chun na críche sin, do leasú an Acharta sin agus an Acharta Airí agus Rúnaithe (Leasú), 2011; agus do dhéanamh socrú i dtaobh nithe gaolmhara.

[5 Iúil 2021]

Achtaítear ag an Oireachtas mar a leanas:

Míniú

1. San Acht seo, ciallaíonn “Acht 2009” an tAcht um Bearta Airgeadais Éigeandála ar Mhaithe le Leas an Phobail (Uimh. 2), 2009.

Leasú ar alt 4 d’Acht 2009

2. Leasaítear alt 4 d’Acht 2009—

(a) tríd an bhfo-alt seo a leanas a chur in ionad fho-alt (2):

“(2) Maidir le leasú ar fhóráil iomchuí arna leasú le holt 2 nó 2A a mbeadh d’eifeacht leis go méadófaí an luach saothair is iníoctha le seirbhíseach poiblí, ní fhéadfar é a dhéanamh ach amháin sna cásanna seo a leanas, agus beidh an eifeacht sin leis—

(a) i gcás—

(i) gurb é nó gurb í an tAire a dhéanfaidh an leasú, lena n-áirítear, i gcás go ndéanfar é chun críche dá dtagraítear i mír (b), agus

(ii) maidir leis an bhforáil iomchuí—

(I) nach foráil d’Acht den Oireachtas í, nó

(II) nach foráil iomchuí í arna déanamh faoi Acht den Oireachtas, ach amháin i gcás gurb é nó gurb í an tAire a dhéanfaidh an fhóráil iomchuí sin amhlaidh,

nó

(b) i gcás—

- (i) gur duine (seachas an tAire) a dhéanfaidh an leasú—
 - (I) chun aon ordú ó chuírt nach bhfuil aon bhac ar marthain ina leith a chomhlíonadh, nó
 - (II) chun aon chinneadh infhorfheidhmithe ón gCúirt Oibreachais nach bhfuil aon bhac ar marthain ina leith a chomhlíonadh,

agus
 - (ii) maidir leis an bhforáil iomchuí—
 - (I) nach foráil d'Acht den Oireachtas í, nó
 - (II) nach foráil iomchuí í arna déanamh faoi Acht den Oireachtas, ach amháin i gcás gurb é nó gurb í an chéad duine a luaitear i bhfomhír (i) a dhéanfaidh an fhóráil iomchuí sin amhlaidh.”,

agus
- (b) i bhfo-alt (3), trí “fo-alt (2)(b)(i)” a chur in ionad “fo-alt (2)”.

Leasú ar alt 5 d'Acht 2009

3. Leasaítear alt 5 d'Acht 2009, i bhfo-alt (2), trí “, i leith tréimhse idir an 1 Eanáir 2010 agus an dáta ar a dtiocfaidh *an tAcht um Pá Seirbhíse Poiblí, 2021* i ngníomh,” a chur isteach i ndiaidh “Má iocann comhlacht seirbhíse poiblí luach saothair le seirbhíseach poiblí”.

Leasú ar alt 16A den Acht Airí agus Rúnaithe (Leasú), 2011

4. Leasaítear alt 16A den Acht Airí agus Rúnaithe (Leasú), 2011—
- (a) i bhfo-alt (10), trí “Faoi réir fho-alt (10A), tá éifeacht leis an alt seo” a chur in ionad “Tá éifeacht leis an alt seo”, agus
 - (b) tríd an bhfo-alt seo a leanas a chur isteach i ndiaidh fho-alt (10):
 - “(10A) I gcás go ndéanfar conradh fostáiochta a leasú de réir alt 4(2) den Acht um Bearta Airgeadais Éigeandála ar Mhaithe le Leas an Phobail (Uimh. 2), 2009—
 - (a) trí théarma nó coinníoll láithreach atá sa chonradh a leasú nó a ionadú, nó
 - (b) trí théarma nó coinníoll nua a chur isteach sa chonradh, ní bheidh feidhm ag an alt seo maidir leis an téarma nó leis an gcoinníoll arna leasú, arna ionadú nó arna chur isteach amhlaidh, de réir mar a bheidh.”.

Gearrtheideal

5. Féadfar an tAcht um Pá Seirbhíse Poiblí, 2021 a ghairm den Acht seo.

BAILE ÁTHA CLIATH
ARNA FHOILSIÚ AG OIFIG AN tSOLÁTHAIR
Le ceannach direach ó
FOILSEACHÁIN RIALTAIS,
BÓTHAR BHAILE UÍ BHEOLÁIN, CILL MHAIGHNEANN,
BAILE ÁTHA CLIATH 8, D08 XAO6.
Tel: 046 942 3100
r-phost: publications@opw.ie
nó trí aon dioltóir leabhar.


DUBLIN
PUBLISHED BY THE STATIONERY OFFICE
To be purchased from

GOVERNMENT PUBLICATIONS,
MOUNTSHANNON ROAD, KILMAINHAM,
DUBLIN, D08 XAO6.

Tel: 046 942 3100
Email: publications@opw.ie
or through any bookseller.

€1.27

Wt. —. 42. 10/22. Essentra. (94552). Gr.30-15.



9 781399 304542